

Evening Dogri News Bulletin, 26 July 2024

इवनिंग डोगरी न्यूज़ बुलेटिन

समे-18:15 Hrs

HEADLINES

- 1 प्रधानमंत्री नरेंद्र मोदी होंरें कारगिल युद्ध दे बहादुर शहीद जवानें गी श्रद्धांजलि भेंट कीती। प्रधानमंत्री होंरें आखेआ जे पाकिस्तान अतीत च बी अपने नापाक जत्तें च नाकाम रेया ऐ पर ओह आतंकवाद ते छदम युद्ध दा सहारा लेइए अपने आपा गी प्रसांगिक बनाई रखने दे जत्त करा रदा ऐ। प्रधानमंत्री होंरें शिन-खून ला टनल प्रोजेक्ट दे कम्मै दी शुरूआत करोआई।
- 2 श्री अरमनाथ जी दी यात्रा दे 28 दिनें दौरान 4 लक्ख 36 ज्हार थवां बद्द श्रद्धालुएं पवित्र गुफा च मत्था टेकेआ। जम्मू दे भगवती नगर आले आधार शिविर थवां 2500 थवां बद्द श्रद्धालुएं दा इक होर जत्था घाटी लेई रवाना होआ।
- 3 पेरिस ओलंपिक 2024 दा उद्घाटन समारोह फ्रांस च सीन नदी कश अज्ज होग।
- 4 महिला एशिया कप तैहत दम्बुला च खेड्डे गेदे इक मैच च भारत नै बांगलादेश गी 10 विकटें कन्नै हराया ते 9मीं बारी महिला एशिया कप दे फाइनल च थाहर बनाई।

<><><><><><>

PM-Vijay Diwas

प्रधानमंत्री नरेंद्र मोदी होंरें द्रास च कारगिल विजय दिवस दी 25मीं बरे गंड दे मौके पर इस युद्ध दे नायकें गी श्रद्धांजलि भेंट कीती। सेना प्रमुख जनरल उपेंद्र द्विवेदी, वायु सेना प्रमुख एयर चीफ मार्शल वी.आर चौधरी, नौसेना प्रमुख एडमिरल दिनेश कुमार त्रिपाठी होंरें बी कारगिल युद्ध स्मार्क जाइये शहीदें गी श्रद्धांजलि भेंट कीती। किट्ट गी संबोधित करदे होई प्रधानमंत्री होंरें आखेआ जे लद्दाख दी एह महान धरती कारगिल विजय दिवस दी 25मीं बरे गंड दी साक्षी बनी ऐ। उनें आखेआ जे कारगिल विजय विस असेंगी दस्सदा ऐ जे मुख आस्तै दित्ता गेदा बलिदान अमर ऐ। जम्मू-कश्मीर च हाल च होए दे आतंकवादी हमलें पर पाकिस्तान दी निंदेआ करदे होई मोदी होंरें आखेआ जे पाकिस्तान अतीत च बी अपने नापाक जत्तें च नाकाम रेआ ऐ पर ओह आतंकवाद ते छदम युद्ध दा सहारा लेइयै अपने आपा गी प्रसांगिक बनाई रखने दे जत्त करा रदा ऐ। उनें आखेआ।

<><><><><><>

PM-Shinkun

प्रधानमंत्री नरेंद्र मोदी होंरें वर्चुअल माध्यम राएं लद्दाख दी शिनखून ला सुरंग परियोजना दी शुरूआत करदे होई पैहला विस्फोट कीता। एह परियोजना लेह लेई शिडक राबता बेहतर करने आस्तै महत्वपूर्ण ऐ की जे एहदे बनने कन्नै खराब मौसम दौरान बी शिडक राबता लेह लेई बने दा रौहग। एह 4 अशारिया 1 किलोमीटर लम्मी 2 रस्तें आहली ट्यूब सुरंग होग। एहदा निर्माण लेह गी हर मौसम च शिडक संपर्क सुविधा प्रदान करने आस्तै निमू पदुम दारचा रोड पर करीब 15 ज्हार 800 फुट दी उचाई पर कीता जाग। इस सुरंग दे बनी जाने कन्नै सशस्त्र बलें दी आवाजाई गै आसान नेई होग, सगुआं लद्दाख च आर्थिक ते सामाजिक विकास गी बी बल थ्होग। इस मौके पर बोलदे होई प्रधानमंत्री होंरें आखेआ।

<><><><><><>

Parliament Vijay Diwas

कारगिल विजय दिवस दे मौके पर संसद दे दौनें सदनें च कारगिल युद्ध दौरान दलेरी कन्नै लडने आले बहादुर सैनिकें गी श्रद्धांजलि दित्ती गेई। लोकसभा च अध्यक्ष ओम बिरला होंरें सैनिकें दे शौर्य ते बलिदान दा चेत्ता करदे होई आखेआ जे सैनिकें युद्ध दौरान बडे मते साहस ते दलेरी दा परिचय दित्ता। बिरला होंरें आखेआ जे 25में कारगिल विजय दिवस दे मौके पर सदन वीर सैनिकें ते जौआनें गी श्रद्धांजलि भेंट करदा ऐ। राज्यसभा च सभापति जगदीप धनखड होंरें आखेआ जे युद्ध दौरान भारतीय सशस्त्र बलें दी बेमिसाल दलेरी ते वीरता गी सांजेदे होई कृतज्ञ राष्ट्र कारगिल विजय दिवस दी 23मीं बरे गंड मना रदा ऐ। रक्षा मंत्री राजनाथ सिंह होंरें 25 बरे पैहले कारगिल युद्ध दौरान मुख दे क्षेत्र दी रक्षा आस्तै बेहद मुश्कल ते कठिन हालात दा बहादुरी कन्नै लडने आले सशस्त्र बलें दे कर्मिं गी श्रद्धांजलि भेंट कीती। उपराज्यपाल मनोज सिन्हा होंरें सोशल मीडिया पोस्ट च आखेआ जे कारगिल विजय दिवस पर ओह आपरेशन विजय दौरान मातृभूमि दी रक्षा लेई अपना सर्वोच्च बलिदान देने आले शहीदें गी नमन कीता।



Kargil Vijay Diwas

जम्मू-कश्मीर दे बक्ख-बक्ख हिस्से च बी अज्ज कारगिल विजय दिवस मनाया गेआ। 1999 आले युद्ध दौरान दलेर जौआनें दे शौर्ये, उंदे जज्वे ते उंदे बलिदान दे चेतते च एह दिन मनाया जंदा ऐ। उधमपुर च साबका फौजी जौआनें, जिला अफसरें, आम लोकें, स्कूल ते कॉलेज दे विद्यार्थिं शहीदें गी श्रद्धांजलि दित्ती। इस मौके पर आकाशवाणी कन्नै गल्ल करदे होई साबका फौजी लेफ्टिनेंट कर्नल बलवंत सिंह होरें आखेआ।

भद्रवाह च बी लोकें शहीदें गी श्रद्धांजलि भेंट कीती। कारगिल विजय दिवस दी 25मीं बरे गंड दे मौके पर साबका फौजिं आस्सेआ सेरी बाजार च इक कार्यक्रम कीता गेआ। इस मौके आकाशवाणी कन्नै गल्ल करदे होई साबका फौजी नै आखेआ।

इस्सै चाल्ली कठुआ जिले च कारगिल विजय दिवस पर शहीदी चौक च शहीदें गी श्रद्धांजलि देने लेई कार्यक्रम लोआया गेआ। साबका फौजिं दे कल्याण सरबंधी जम्मू-कश्मीर एसोसिएशन दे कठुआ सीगे आस्सेआ अपने चेरमैन कैप्टर ज्ञान सिंह पठानिया हुंदी अगुवाई च श्रद्धांजलि कार्यक्रम होआ। इस दौरान शहीदी चौक तगर विजय मार्च बी कडुआ गेआ। कारगिल दे नायकें दी वीर गाथाएं ते उंदे बलिदान गी चेतता करदे होई नारे बी लागे गए। आकाशवाणी कन्नै गल्ल करदे होई कैप्टन ज्ञान सिंह पठानिया होरें आखेआ।



JK-Amarnath Yatra

अमरनाथ यात्रा लेई 2 ज्हार 566 श्रद्धालुएं दा 29मां जथा जम्मू दे भगवती नगर यात्री निवास आधार केंप सवां अज्ज कश्मीर घाटी लेई रवाना होआ। तीर्थ यात्रु निगगर सुरक्षा प्रबंधें दे बिच्च 84एं गड्डियें दे काफिले च रवाना होए। इस जत्थे च 1877 मर्द, 577 महिलां, 12 बच्चे, 95 साधु ते 885 तीर्थ यात्रु बालटाल केंप ते 1681 तीर्थ यात्रु पैहलगाम आधार केंप लेई रवाना होए जित्थुआं ओह पवित्र गुफा जाने लेई अगड़ी यात्रा शुरू करडन। हल्ले तोड़ी 4 लक्ख 36 ज्हार श्रद्धालु बाबा बर्फानी दे दर्शन करी चुके दे न। पिछले बरे साड्डे चार लक्ख कोलां मते श्रद्धालुएं भगवान शिव दे दर्शन कीते हे। लेफ्टिनेंट गवर्नर मनोज सिन्हा होरें जम्मू थवां 28 जून गी अमरनाथ यात्रियें दे पैहले जत्थे गी झंडी दस्सियै इस बरे दी यात्रा दी शुरूआत कराई ही। 52एं दिनें तोड़ली चलने आहली यात्रा 19 अगस्त गी समाप्त होनी ऐ।



T-20 Women Asia Cup

एशिया कप महिला टी-20 क्रिकेट दे सेमीफाइनल च अज्ज भारत नै बांगलादेश गी 10एं विकटें कन्नै हराई दित्ता। एह मैच श्रीलंका दे रंगिरी दांबुला अंतरराष्ट्री क्रिकेट स्टेडियम च खेडुया गेआ। तेज गेंदबाज रेनुका ठाकुर नै पावर प्ले च बांगलादेश दे ब्रऊं खडारियें गी आउट करी दित्ता। बांगलादेश दी टीम 20एं ओवरें च 80 रन गै बनाई सकी। औदी 8 खडारना हाउट हाइयां। भारतीय टीम नै 11एं ओवरें च लक्ष्य हासल करी लैता। दुए सैमीफाइनल च श्रीलंका दा मुकाबला पाकिस्तान कन्नै अज्ज संझा 7 बजे शुरू होगा।



Budget-Discussion

लोकसभा च अज्ज परतियै 2024-25 बरे दे केंद्री बजट ते जम्मू-कश्मीर दे 2024-25 बरे दे बजट पर चर्चा शुरू होई। चर्चा च शामिल होई पार्लियामेंट दे मेंबर जुगल किशोर शर्मा होरें आखेआ जे एह बजट आर्थिक ते सामाजिक पैहलु लेई बड़ा महत्वे आहला ऐ ते एह लोकें लेई बड़ा फायदे आहला साबित होगा। उनें आखेआ जे एहदे च बुनियादी ढांचे, राईबाई, रोजगार ते उर्जा दे क्षेत्र पर जोर दित्ता गेआ ऐ। उनें आखेआ जे आने आहले बरें च लक्खां बहे नौजवानें गी म्हारत दी सिखलाई दित्ती जाग।



Samba Social Welfare

साम्बा च सामाजिक कल्याण मैहकमे नै संकल्प, मिशन शक्ति कन्नै रलियै लोकें गी जागरूक करने लेई गवर्नमेंट हायर सेकेंडरी स्कूल रामगढ़ च बेटी बचाओ बेटी पढ़ाओ तैहत जागरूकता अभियान दा सरिस्ता कीता। इस दौरान भाषण, नाटक, कविता, डोगरी नाय ते गीतें समेत बक्ख-बक्ख गतिविधियें दा आयोजन कीता गेआ। इस प्रोग्राम दा मुख्क मकसद समाज च धीयें गी बचाने ते उनेंगी पढ़ाने बारै लोकें गी जागरूक करना ऐ। इस मौके पर बोलदे होई सामाजिक कल्याण मैहकमे दी डिप्टी ड्रैक्टर शिफाली शर्मा होरें आखेआ।

<><><><><><>

Admin-Council

लेफ्टिनेंट गवर्नर मनोज सिन्हा हुंदी अध्यक्षता च प्रशासनिक कौंसल दी मीटिंग लगगी। इस दौरान जम्मू-कश्मीर दे बक्ख-बक्ख जिलें च इंडस्ट्रियल एस्टेट्स दे विकास लेई बक्ख-बक्ख श्रेणियें च जीमीं मुंतकिल करने दे प्रस्तावें गी मंजूरी दिती गेई। उद्योग ते बपार सरबन्धी मैहकमें गी कुल 3 जहार 188 कनाल ते 8 मरले जिमीं मुंतकिल कीती गेई। 2019 दे मगरा औद्योगिक बुनियादी ढांचे दे विकास पर खास ध्यान दिता जा करदा ऐ। एह रोजगार मुहैया कराने दे कन्नै आर्थिक गतिविधियें गी बढ़ावा देने च मुख्क माध्यम ऐ। उद्योग ते बपार सरबन्धी मैहकमा जम्मू-कश्मीर च उद्योग कायम करने लेई बक्ख-बक्ख पैहलकदमियां करा करदा ऐ। निवेश गी आकर्षिक करने लेई उद्योग ते बपार सरबन्धी मैहकमे गी जिमीं उपलब्ध कराने पर मुख्क तौर पर ध्यान देने दी लोड ऐ।

<><><><><><>

India-Paris Olympics

पेरिस ओलंपिक 2024 आहली खेडुं दी अज्जै सवां शुरूआत होआ करदी ऐ। पेरिस च सीन नदी दे कंडे अज्ज संझा उद्घाटनी समारोह लगा करदा ऐ। इस बारी पेरिस ओलंपिक च 1924 बरे दे ओलंपिक खेडुं दी शताब्दी दा जश्र मनाया जाग। एहदे कोलां पैहले कल्ल पेरिस ओलंपिक च भारत नै शानदार शुरूआत कीती। तीरंदाजी च मर्दे दी टीम नै रेंकिंग राउंड च त्री थाहर हासल कीती, महिला टीम नै चौथी थाहर हासिल करदे होई क्वार्टर फाइनल च जगह पक्की करी लैती। क्वार्टर फाइनल च भारतीय महिला टीम दा मुकाबला मेजबान फ्रांस ते नीदरलैंड दे बश्कार होने आहले खीरी- 16 गेड दे मैच च जेत्तू रौहने आहली टीम कन्नै होग। दुई बक्खी भारतीय मर्दे दी टीम दा क्वार्टरफाइनल च कोलंबिया जां तुर्किये कन्नै मुकाबला होग।

<><><><><><>